

Vischnaunca politica Andiaast

Radunonza communal dils 6 da december 2013

Presents: 6 vischinas e vischins d'Andiaast e la suprastonza communal
Perstgisas: Priska Capaul

1. Beinvegni ed elecziun dils dumbravuschs

President communal Sievi Sgier fa in cordial beinvegni. Sco dumbravuschs vegn Guido Sgier proponius ed elegius unanimamein. Encunter la gliesta da tractandas dat ei neginas objecziuns.

2. Prelecziun ed approvaziun dil protocol dils 23 d'uost 2013

Il protocol dalla davosa radunonza communal dils 23 d'uost 2013 vegn prelegius ed approbaus unanimamein.

3. Presentaziun ed approvaziun dil preventiv communal 2014

Il **quen communal** muossa sco usitau las numerusas spartas nua che la vischnaunca ei engaschada, per tgei ch'ils mieds finansials vegnan impundi e cun tgei entradas ch'ins quenta. Sco mintg'onni ei la gronda part dallas expensas pli u meins definada, quei entras cunvegnas, contracts ni leschas. Aschia resta alla fin el quen current mo ina pintga part da cuosts che sa vegnir influenzada activamein per migliorar il quen final.

Il **quen current 2014** siara suenter expensas da frs. 1'137'850.00 ed entradas da frs. 1'059'650.00 cun in surpli d'expensas da frs. 78'200.00. Amortisaziuns ordinaris sin la facultad administrativa vegnan pridas avon ell'altezia da total frs. 120'000.00.

Il **quen d'investiziun 2014** siara suenter expensas da frs. 780'000.00 ed entradas da frs. 40'000.00 cun investiziuns netto da frs. 740'000.00. Las pli impurtantas investiziuns egl onn 2014:

- investiziuns plan general dall'aua GWP
- investiziuns plan general d'allontanament GEP
- sanaziun vias da quartier
- sanaziun dil tetg dalla casa da scola
- sanaziun dall'illuminaziun da vias

Il **preventiv 2014** sco era il quen d'investiziun vegnan approvai unanimamein.

4. Fixaziun dil pei da taglia per igl onn 2014

Il pei da taglia actual munta a 125% dalla taglia cantunala semplia. Muort las investiziuns previdas sco sura menziunau eis ei buca previu da sbassar il pei da taglia. La suprastonza communal fa consequentamein la proposta da schar il pei da taglia sin 125% dalla taglia cantunala semplia.

Unanimamein vegn concludiu da fixar il pei da taglia sco tochen dacheu sin 125% dalla taglia cantunala semplia.

5. Damonda da credit per la cumpra d'in vehichel da pumpiers

La fin da fenadur 2013 ha il camiun da pumpiers stuiu sesutametter alla controlla da vehichels a motor. Sin fundament da quella controlla ston pliras reparaturas necessarias en l'altezia da biabein frs. 12'000.00 vegnir exequidas. Damai ch'il vehichel existent ha gia varga 30 onns han las suprastonzas communalas examinau in'offerta per remplazzar tal a moda cuntenteivla per la corporaziun da pumpiers Vuorz/Andiast. La summa da cumpra per il niev vehichel munta a frs. 55'000.00. L'assicuranza d'edifezis dil cantun Grischun separticipescha cun ina cumpart da 32.5% vid ils cuosts totals. La summa restonta vegn repartida tenor diember da habitonts sin las vischnauncas da Vuorz ed Andiast. Per la vischnaunca d'Andiast munta quei a 33%, pia frs. 12'251.00. La suprastonza communal propona consequentamein d'approbar il credit brut da frs. 55'000.00. Ord miez dalla radunonza vegn proponiu da conceder mo il credit necessari da frs. 12'251.00.

La proposta dalla suprastonza communal d'approbar il credit brut da frs. 55'000.00 vegn concedida cun 8 vuschs gie e neginas vuschs encunter. La proposta da conceder il credit da frs. 12'251.00 vegn fiersa cun 1 vusch gie 5 vuschs na.

6. Damonda da baghegiar pli damaneivel sin parcella nr. 31 a Dacla

Cun scriver dils 17 da november 2013 tschenta Rico Schlosser la damonda davart in dretg da baghegiar pli damaneivel en connex cun il project da baghegiar. Numnadamein eis ei previu da construir ina suosta d'animals sin parcella nr. 31 a Dacla. Per saver construir il baghetg tenor ls plans inoltra basegna ei d'in dretg da baghegiar pli damaneivel, cun quei che la distanza tier la via communal munta ad 1.1m ed 1.5m.

La suprastonza communal fa la proposta da dar suatientscha alla damonda. La radunonza fa buca diever dalla discussiun e concluda unanimamein da conceder il dretg da baghegiar pli damaneivel.

Finiziun dalla radunonza allas 21.00 uras

Andiast, ils 6 da december 2013

Il president:

Il canzlist:

Sievi Sgier

Gian Carlo Albin